

La farmacia Pütia a Picolin é stlütta dai 15 ai 22 de setëmber 2024.

PLOANIES DA SAN MARTIN Y LUNGIARÜ

Mëssa solëna por recordé 25 agn dala mort dl sorvidú de Dî, siur Heinrich Videsott, en domënia, ai 22 de setëmber dales 14.30 a La Val, zelebrada da siur Michael Lezuo y acompagnada dal Cor de dljia da Runcadic. Düc é inviá

Ai 31 d'otober termo por la detlaraziun dl davagn dl 2023. Por chi che ne l'ess nia ciamó fata vëgnel invié da destiné l' 8 pormille ala Dlijia catolica y le 5 pormille a öna dles assoziaziuns de volontariat. Al se trata dla destinaziun de na pert dles cutes bele paiades che ne comporta degun cost implü y che é de gran aiüt sides por la Dlijia co por les assoziaziuns. Al basta da sotescri y dé dant le codesc fiscal dl'assoziaziun a chëra ch'i orëis i dé le 5 pormille.

Le KVV Val Badia met a ji n peregrinaje a pé a Weissenstein ai 28 de setëmber. An pëia ia con le Bus dales 6.00 da domann da La lla demez, Badia, Pidrô, Burcia San Martin, Longega, Al Plan. Incër les 9.00 a pe dal Karersee demez ia cuntra Raut y Schwarzenbach, da dailó indô cun le bus cina sö Deutschnofen spo inant a pe cuntra Weissenstein, tru dles staziuns y dales 15.00 messa sö Weissenstein. Dedô cun le bus cuntra ciasa. Ores da ji a pe indôt 4 ores saurides da jí. Se tó do val' da mangé. Prenotaziuns cina ai 25 de setëmber pro Hartmann Frontull 345 72 74 593.

LUNGIARÜ

Incö domënia, ai 15 de setëmber, tignunse sciöche cöra da Lungiarü la prozesciun sö La Crusc. I piun ia da insom le lift demez dales 14.00 do le tru dles Staziuns y dales 15.00 él te dljia na Liturgia dla Parora. Düc è bel inviá!

La Corona tla capela de Sant Ojöp da Oies a Seres-Miscí vëgn dita da sëgn inant, deach'al vëgn plü adora scür, le mertesc dales 16:00. Düc é dër bel inviá da tó pert.

La Uniun Teater La lla mët a jí n curs de teater por mitans y mituns cun Erika Castlunger tla Ciasa de Cultura a La lla vigni vëndres domisdé dai 27 de setëmber inant por 10 iadi: dales 14.30 ales 15.30 por la 3^a y 4^a tlassa dla scora elementara, dales 16:00 ales 17:30 por la 5^a tlassa dla scora elementara y por la 1^a, 2^a y 3^a tlassa dla scora mesana. Informaziuns y iscriziuns: pro Erika 339 62 88 847

Museum de Tor: en domënia ai 22 de setëmber: Vijita menada fora por la mostra Countdown to Mass Extinction? cun Herwig Prinoth dales 15.00 -16.00 por todësch y dales 16.00 - 17,00 por talian al prisc de 10 € euro. Prenotaziun: prenotaziuns@museumladin.it - tel. 0474 524020.

Prëibel pordenede: t'ultima plata m'él sciampé ite n fal: La racoiüda dl refodam da tosser n'è nia ai 12 de setëmber, mo ai 12 de novëmber.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - clsottsas@rolmail.net
redaziun: anton.gasser@rolmail.net - 348 27 44 517 / 0474 523



15.09 - 22.09.24 n. 42

termo por comunicaziuns: jöbia, dales 20.00

24^a DOMËNIA IA POR L'ANN B


Vangele do san Merch 8,27-35

..... Dailò i à Gejú damanè: Os indere, chë dijëise pa os che iö sun?
Scimun Pire ti à respognü: Tö es le Messia! Mo ël ti à proibì de baié cun zacai porsura ël. Spo àl metü man da i istrüiche le Fi dl Om mëssarà patì tröp y gnarà refodè dai plü vedli, dai gragn proi y dai studià dla lege; al gnarà copè, mo do da trëi dis ressoriaral. Y al baiâ davert daldöt de chësc. Dailò l' à Pire tut da na pert y à metü man da le bruntorè. Gejú s' à ôt y ti à ciarè ados a sü discepui y à amonì Pire cun les parores: Vätun demez da mè, sätann! Deache tö ne n'as nia imënt cí che Dî ô, mo cí che la jënt ô. Al à cherdè adalerch la meja de jënt y i discepui y à dit: Chël che ô me gnì do, chël s' un desdijes de sè instès toles süa crusc sön ël y me vëgnes do.



Gejú damana spo concret y personalmënter: Por che m'aratëise pa os? Scimun Pire dá na profesciun de fede tlera, mo al ne capësc nia ci consequënzes che süa resposta comporta. La domanda de Gejú vá inant tla storia dl'umanité cina da nos, cina da me. Por che l'aratunse pa nos? Les respostes pó ester desvalies, aladô dla situaziun te chëra ch'i viun, y datrai pól ince ester ch'i ne savun nia ci dí. Le vangele nes dá na direziun: La resposta cialfunse ma, sc'i azetun la vita sciöche ara é y ti jun do a Gejú: Sc'i tolun döt ci ch'i sperun, esperimentun y un da patí y le liun a Gejú.

Te Deum

EDEMA - B	SAN MARTIN	LUNGIARÜ	
<p>15.09.24 24ª DOMËNIA ia por l'ann B</p> <p><i>Santa Maria Adolorada</i></p>	<p>9.30 Corona (<i>pater Franz</i>) 10.00 Gran Mëssa por la Comunité de reogr. familia Lorenz Planatscher + Frater Felix Ploner</p>	<p>7.50 Corona (<i>don Marco</i>) 8.15 Gran Mëssa por la comunité dl ann + Silvia Rives ++ Zilia y Franz Pezzei, Ghestan ++ Iaco Mischi y Regina Daporta +++ Iaco, Veneranda y Ida 14.00 Prozesciun sö La Crusc da insom le lift do le tru dles Staziuns 15.00 Liturgia dla Parora</p>	<p>Da doman Bel Dî, i vëgni da te che tûa benedisciun pëies do mia man denant ch'i mëtes man chësc de.</p> <p>Lascia tomé tü edli por n momënt sön mi edli. Lásce me tó cun me la segurté de tûa amizizia ite te mia vita da vigni de.</p>
<p>16.09.24 <i>Cornel y Cyprian</i> Lönesc</p>			<p>Implësc mia anima cun tûa musiga cun tûa pesc, cun tûa ligrëza.</p>
<p>17.09.24 <i>Hildegard da Bingen</i> Dedolönesc</p>	<p>8.00 Mëssa por fam. Paul y Valeria Pedevilla</p>	<p>16.00 Corona tla capela de S. Ojöp Fr.</p>	<p>Acompagnëieme ite por le sciosciüre dl de y mëna i rais dl lominus de to amur sura me.</p>
<p>18.09.24 Dedemesaledema <i>Teodora, Ariana</i></p>		<p>7.30 Mëssa dl ann ++ Pire a Angela Dapoz + Vito Clara, Somví</p>	<p>Signur, lascia crësce früc tla val de mies bries, fái madorí en abundanza.</p>
<p>19.09.24 <i>Jenare, Igor</i> Jöbia</p>	<p>11.00 Mëssa a Picolin por chi dla classa 1944</p>		<p style="text-align: right;"><i>Rabindranath Tagore</i></p>
<p>20.09.24 <i>André T. y Paul H.</i> Vëndres</p>	<p>18.30 Adoraziun chîta 19.00 Adoraziun deboriada</p>		<p>Da sëra Dî y Signur, storj pro te nosta ciasa y tëgn dalunc da d'ëra ci che nes pó ester de dan al corp y al'anima.</p>
<p>21.09.24 Sabeda <i>San Matî apostul y vang., Iona</i></p>	<p>18.30 Mëssa prefestia en onur di Arcagnui y Agnui Custodi + Sepl y Maria Dejaco, Mair</p>		<p>Tü agnui sanc dess abité laite y la vardé y nes mantigní tla pesc. Do chësc te periunse por Gejú Crist, nosc fre y Signur. Amen.</p>
<p>22.09.24 25ª DOMËNIA ia por l'ann B</p>	<p><i>Segra:Festa dla consacraziun dla dlijia</i> 9.30 Corona (<i>pater Franz</i>) 10.00 Gran Mëssa por la Comunité por la comunité da San Martin por les families de Martin Verginer + Siur Vito Rubatscher, dl ann + Maria Grünfelder Flöss, dl ann</p>	<p>7.50 Corona (<i>don Marco</i>) 8.15 Gran Mëssa por la comunité dl ann + Carlo Mischi vis y defunc de Lüca y Hannele Sorà</p>	<p style="text-align: center;"></p>